

四庫全書

集部

欽定四庫全書

集部

漢魏六朝百三家集卷一百七

詳校官庶吉士臣謝恭銘

主事銜臣徐以坤覆勘

總校官檢討臣何思鈞

校對官主事臣陳墉

謄錄監生臣劉紳

四卷詩賦間存賦三首又語致蕭條則散騎著作得稱集者特有詩耳史云見贗詩尤善五言篇中蜀郡隨金馬天津應玉衡天路橫秋水星橋轉夜流其著者也夫陳隋詩格風氣開唐五言聲響尤為近之祖孫登蓮調劉刪泛宮亭湖全首唐律固不足道即陰徐江沈陳朝大手其詩亦有類唐者見贗才年適相兄弟堯風鼓吹或假途轍憎者病其雖多奚為喜者謂其聲骨

雄整女以悅容豈能自言美惡哉梁陳顯晦隨俗善持當時文士能若此者即云寡過矣

目錄

賦

山賦

石賦

哀桃賦

啟

謝賜錢啟

樂府

釣竿篇

度閨山

晨鷄高樹鳴

採桑

艷歌行

從軍行

三婦艷詩

置酒高殿上

門有車馬客行

白頭吟

情詩

應龍篇

輕薄篇

帝王所居篇

朱鷺

上之回

戰城南

君馬黃二首

芳樹

有所思

雉子斑

臨高臺

隴頭水二首

折楊柳

關山月

洛陽道

梅花落

紫騮馬

雨雪曲

劉生



公無渡河

對酒

銅雀臺

長安有狹斜行

飲馬長城窟

泛舟橫大江

煌煌京洛行

明君詞

神仙篇

又

前有一樽酒行

詩

御幸樂遊苑侍宴

重陽殿成金石會竟上詩

征虜亭送新安王應令

征籍田應衡陽王教作

從永陽王遊虎丘山

陪衡陽王遊耆闍寺

與錢玄智汎舟

遊匡山簡寂館

和諸葛覽從軍游獵

山家閨怨

和陽侯送袁金紫葬

傷韋侍讀

後湖泛舟

遊龍首城

別韋諒賦得江湖汎別舟

星名從軍詩

賦得韓信

行經季子廟

賦得落落窮巷士

賦得日中市朝滿

賦得題新雲

賦得白雲臨酒

詠雪應衡陽王教

賦得雪映夜舟

薄帷鑒明月

玄圃觀春雪

秋河曙耿耿

浦狹村煙度

和衡陽王秋夜

賦得山卦名

初春賦得池應教

賦得垂柳映斜谿

賦得岸花臨水發

賦得風生翠竹裏應教

賦得山中翠竹

賦得梅林輕雨應教

賦新題得蘭生野徑

賦得威鳳棲梧

賦得魚躍水花生

賦新題得寒樹晚蟬疎

賦得秋蟬咽柳應衡陽王教

秋日別庾正員

賦得佳期竟不歸

賦得堦前嫩竹





漢魏六朝百三家卷一百六目錄

欽定四庫全書

漢魏六朝百三集卷一百六

明 張溥 輯

陳張正見集

賦

山賦

何神山之峻美諒苞結之所成東垂曰泰南服稱衡西戎所擅北狄標名於是堯值洪流滔天襄陵禹敷水土

奠高刊木衆川既導羣嶽自修潛通四瀆鎮壓九州森  
羅辰象吐吸雲霧深不可測遠不可步於廓靈山長為  
作固爾其為狀也則武當太和武功太白崑崙五門扶  
寧三石峯高一萬峭峙三百登而眺之則千里無極俯  
而臨之則萬仞難測暎白鶴而同高混青天而共色

石賦

連山蔽虧巨石嶽峙上興雲而蔚蒼下激水而推移舒  
丹霞於九折混白露於三危鎮方城於濮水固天闕於

湯池開五嶽之靈圖集九老之仙都韜神弓於射的產  
利劍於昆吾魚躍湘鄉之水鴈浮平固之湖墮山鵲之  
金印碎驪龍之寶珠晻藹披衣氤氲翠微精衛取而填  
海天孫用以支機隨西王而不落傍東武而俱飛

袁桃賦

巖巖秀峯吐桂榮松獨天桃之灼灼輕擢采於寒蹤爾  
乃萬株成錦千林似翼苔畫波文花然樹色發秦源而  
逸氣飄漢綬而流芳譬蘭缸之夜炷似明鏡之朝妝成

蹊列逕光崖艷汜間真定之蒼梨雜房陵之縹李芬芳  
難歇照曜無儔舒若霞光欲起散似電采將收既而風  
落新枝霜飛故葉歎垂釣之妖童怨傾城之麗妾

啟

謝賜錢啟

豈期疲痾壁立猥蒙殊賜名稱榆莢非投飲馬之橋價  
重圓泉寧棄咒鷄之野暫移周府纔經漢鑄始降王門  
忽光私室青鳬委質笑夷甫之不言亦反垂綰重河間

之能數

樂府

釣竿篇

以下  
五言

結字長江側垂釣廣川  
潯竹竿橫翡翠桂髓擲黃金  
人來水鳥沒檝度岸花沉  
蓮搖見魚近綸盡覺潭深  
渭水終須卜滄浪徒自吟  
空嗟芳餌下獨見有貪心

度關山

關山度曉月劍客遠從征  
雲中出迴陣天外落奇兵  
輪

摧偃去節樹倒礪懸旌沙揚折坂暗雲積榆溪明馬倦  
時銜草人疲屢看城寒隴胡笳溢空林漢鼓鳴還聽鳴  
咽水併切斷腸聲

晨鷄高樹鳴

阮籍詠懷詩曰晨鷄  
鳴高樹命駕起旋歸

晨鷄振翮鳴出迴擅奇聲蜀郡隨金馬天津應玉衡摧  
冠驗遠石繫火出連營用江  
通事爭棲斜揭暮解翼橫飛度  
試飲淮南樂翻上仙都樹枝低且候潮葉淺還承露承

露觸嚴霜葉淺同  
朝陽猜羣袂寶劍  
勇戰出花場當損  
黃金距誰論白玉  
璫長鳴逢晉帝恃  
氣遇周王流名說  
魯國分影入陳倉  
不復愁符朗猶能  
感孟嘗

採桑

春樓曙鳥驚蠶妾  
候初晴迎風金珥  
落向日玉釵明徙  
顧移籠影攀鉤動  
釧聲葉高知手弱  
枝軟覺身輕人多  
羞借問年少怯逢  
迎恐疑夫婿遠聊  
復答專城

艷歌行



城隅上朝日斜暉照杏梁併倦茱萸帳爭移翡翠牀縈  
環聊向牖拂鏡且調妝裁金作小靨散麝起微黃二八  
秦樓婦三十侍中郎執戟超丹地豐貂入建章未安文  
史閣獨結少年場彎弧貫葉一作月影學劍動星芒翠蓋  
飛城曲金鞍橫道傍調鷹向新市彈雀往睢陽行行稍  
有極暮暮歸蘭芳前瞻富羅綺左顧足鴛鴦蓮舒千  
葉氣燈吐百枝光滿酌胡姬酒多燒荀令香不學幽閨  
妾生離怨採桑

從軍行

胡兵屯薊北漢將起山西故人輕百戰聊欲定三齊風  
前噴畫角雲上舞飛梯鴈塞秋聲遠龍沙雲路迷燕  
然自可勒函谷詎須泥

三婦艷詩

大婦織殘絲中婦妬蛾眉小婦獨無事歌罷詠新詩上  
客何須起為待絕纓時

置酒高殿上

曹子建筵篋引日置酒  
高殿上親友從我遊

陳王門甲第粉壁麗椒塗高牕侍玉女飛闥敞金鋪名  
香散綺幕石硯雕金鑪清醪稱玉饋浮蟻擅蒼梧鄒嚴  
恒接武申白日相趨容與升階玉差池曳履珠千金一  
巧笑百萬兩鬟姝趙姬未鼓瑟齊客罷吹竽歌喧桃與  
李琴挑鳳將雛魏君慙舉白晉主媿投壺風雲更代序  
人事有榮枯長卿病消渴壁立還成都

門有車馬客行

飛觀霞光啟重門，旦開北闕高箱過。東方連騎來紅塵，揚翠轂赭汗染龍媒。桃花夾徑聚流水，傍池回揮鞭。聊接電捐軫，暫停雷非關。萬里客自有六奇，才琴和朝雉。操酒泛夜光，杯舞袖飄金。谷歌聲遶鳳臺，良時不可再。騶馭鬱相催，安知太行道。失路車輪摧。

白頭吟

平生懷直道，松桂比真風。語默妍媸際，沉浮毀譽中。讒新恩易盡，情去寵難終。彈珠金市側，抵玉春

一作崑

山東

含香老顏駟執戟異揚雄惆悵崔亭伯幽憂馮敬通王  
嫺沒胡塞班女棄深宮春苔封履跡秋葉奪妝紅顏如  
花落槿鬢似雪飄蓬此時積長歎傷年誰復同

情詩

新豐妖冶地遊俠競嬌奢池臺間羅綺桃李秣烟霞蓋  
影分連騎衣香合並車艷粉驚飛蝶紅妝映落花舞衫  
飄冶袖歌扇掩團紗玉牀珠帳卷金樓鏡月斜還疑蕭  
史鳳不及季倫家

應龍篇

應龍未起時乃在淵底藏非雲足不蹈舉則冲天翔譬  
彼野蘭草幽居常獨香清風播四遠萬里望芬芳隱居  
可顧志自見焉得彰

輕薄篇

洛陽美年少朝日正開霞細蹀連錢馬傍趨首荷花揚  
鞭還却望春色滿東家井桃映水落門柳雜風斜綿蠻  
弄清綺蛺蝶遶承華欲往飛廉館遙駐季倫車石榴傳

瑪瑙蘭有莫象牙聊持自娛樂未是鬪豪奢莫嫌龍  
馭晚扶桑復浴鵬

帝王所居篇

峻函惟帝宅宛雒壯皇居紫微臨複道丹水亘通渠沉  
沉飛雨殿藹藹承明廬兩宮分槩日雙闕竝凌虛休氣  
充青瑣榮光入綺疎霞明仁壽鏡日照凌雲書鳴鳶背  
鵠鵲詔蹕幸儲胥長楊飛玉輦御宿徙金輿柳葉飄緹  
騎槐花影屬車薄暮歸平樂觀鐘滿玉除

朱鷺

金堤有朱鷺刷羽望滄瀛周詩振雅曲漢鼓發奇聲時  
將赤鴈竝乍逐彩鷺行別有翻潮處異色不相驚

上之回

林光稱避暑回中乃吉行龍媒躡影駛玉輦御雲輕風  
烏繞鵝鵲綵鷺照昆明欲知鐘箭遠遙聽寶鷄聲

戰城南

薊北馳胡騎城南接短兵雲屯兩陣合劍聚七星明旗



交無復影角憤有餘聲戰罷披軍策還嗟李少卿

君馬黃二首

幽并重騎射征馬正盤桓風去嘶聲遠冰堅度足寒出  
關聊變色上坂屢停鞍即令隨御史非復在樓蘭  
五色乘馬黃追風時滅沒血汗染龍花胡鞍抱秋月唯  
騰渥洼水不飲長城窟詎待燕昭王千金市駿骨

芳樹

奇樹舒春苑流芳入綺錢合歡分四照同心影萬年香

浮佳氣裏葉映彩雲前欲識揚雄賦金玉滿甘泉

有所思

深閨久離別積怨轉生愁徒思裂帛鴈空上望歸樓看  
花憶塞草對月想邊秋相思日日度

玉臺作暮

淚臉年年流

雉子斑

陳倉雉未飛欽翮依芳甸朱冠色尚淺錦臆毛初變雉  
麥且專場排花聊勇戰唯當渡弱水不怯如皋箭

臨高臺

層臺迺清漢出迴架重栱飛棟臨黃鶴高牕度白雲風  
前朱幌一作慢色霞處綺疏分此中多怨曲地遠詎能聞

隴頭水二首

隴頭鳴四注征人逐貳師羌笛含流咽胡笳襟水悲湍  
高飛轉駛澗淺蕩還遲前旌去不見上路杳無期

隴頭流水急流急行難渡遠入隗囂營傍侵酒泉路心  
交賜寶刀小婦成紉袴欲知別家久戎衣今已故

折楊柳

楊柳半垂空裊裊上春中枝疎董澤箭葉碎楚臣弓色  
映長河水花飛高樹風莫言限宮掖不閉長楊宮

關山月

巖間度月華流彩映山斜暈逐連城壁輪隨出塞車唐  
莫遙合影秦桂遠分花欲驗盈虛理一作駛方知道路賒

洛陽道

曾城啟旦扉上路滿春暉柳影綠溝合槐花夾岸飛蘇  
合彈珠罷黃間負翳歸紅塵暮不息相看連騎稀

梅花落

芳樹映雪

一作雲

野發早覺寒侵落遠香風急飛多花逕

深周人歎初標魏帝指前林邊城少灌木折此自悲吟

紫騮馬

將軍入大宛善馬出從戎影絕乾河上聲流入冰

一作水

窟

中似鹿猶依草如龍欲向空須還十萬里試為一追風

雨雪曲

胡關辛苦地雪路遠漫漫含冰踏馬足襍雨凍旗竿沙

漠飛恒暗天山積轉寒無因辭日逐團扇掩齊紈

劉生

劉生絕名價豪俠恣遊陪金門四姓聚繡轂

一作  
簫鼓

五香

一作  
侯

來塵飛瑪瑙勒酒映車渠杯別有追遊夜秋牕向

月開

公無渡河

金堤分錦纜白馬渡蓮舟風嚴歌響絕浪湧榜人愁  
摧折桃花水颿橫竹箭流何言沈壁處千載偶陽侯

對酒

當歌對玉酒匡坐酌金罍竹葉三清泛蒲萄百味開  
風移蘭氣入月逐桂香來獨有劉將阮忘情寄羽杯

銅雀臺

淒涼銅雀晚搖落暮田通雲慘當歌日松吟欲舞風人  
疏瑤席冷曲罷總帷空可惜年將淚俱盡望林中

長安有狹斜行

少年重遊俠長安有狹斜路窄時容馬枝高易度車  
簷

高同落照巷小共飛花相逢夾繡轂借問是誰家

飲馬長城窟行

秋草朔風驚飲馬出長城羣驚還怯飲地險更宜行傷  
冰飲凍足畏冷急寒聲無因度吳坂方復入羗城

泛舟橫大江

魏文帝飲馬長城窟行曰  
泛舟橫大江討彼犯荆虜

大江修且濶揚舠度迴磯波中畫鷁涌汎上錦花飛舟  
移歷浦月權舉濕春衣王孫定若遠詎待送將歸



煌煌京洛行

千門儼西漢萬戶擅東京  
凌雲霞上起鵝鵲月中生  
風塵暮不息簫管夜恒鳴  
唯當賣藥處不入長安城

明君嗣

寒樹暗胡塵霜樓明漢月  
淚染上春衣憂變華年髮

神仙篇

稗言

瀛洲分渤海閭苑隔虹蜺  
欲識三山路須尋千仞溪  
石梁雲外立蓬丘霧裏迷  
年深毀丹竈學久棄青泥  
葛

水留還杖天衢鳴去鷄六龍驤首起雲閣萬里一別何  
寥廓玄都府內駕青牛紫蓋山中乘白鶴潯陽杏花終  
難朽武陵桃花未曾落已見玉女笑投壺復覩仙童欣  
六博同甘玉文棗俱飲流霞藥鸞歌鳳舞集天台金闕  
銀宮相向開西王已令青鳥去東海還馭赤虬來魏武  
還車逢漢女荆王因夢識陽臺鳳蓋隨雲聊蔽日霓裳  
雜雨復乘雷神嶽吹笙搖謝手當知福地有神才

又

見文苑英華樂府作  
沈約題云樂未央

億舜日萬堯年詠湛露歌采蓮願祿百和氣宛轉金爐  
前

前有一樽酒行

前有一樽酒主人行壽今日合來坐者當令皆富且壽  
欲令主人三萬歲終歲不知老為吏當高遷賈市得萬  
倍桑蠶當大得主人宜子孫

詩

御幸樂遊苑侍宴

以下  
五言

大君臨四表榮光普八埏區中文化洽海外武功宣鳳  
下書丹篆龜符著綠編昆明不習戰雲夢豈遊畋軌文  
通萬國旌節靖三邊高秋貌姑射睿想屬汾川兩宮明  
合璧雙闕帶飛烟揚鑾出城觀詔蹕指郊壩禁苑迴雕  
輦離宮建翠旃流水奔雷轂追風赴電鞭畫熊飄折羽  
金埒響膠弦鳴玉升文砌稱觴溢綺筵獸舞依鐘石鸞  
歌應管弦霞明黃鵠路風爽白雲天潦收荷蓋折露重  
菊花鮮上林賓早鴈長楊唱晚蟬小臣慚藝業擊壤慕

懷鉛康衢飛駛羽大海滴微涓詠歌還集木舞蹈遂臨  
泉願薦南山壽明明奉萬年

重陽殿成金石會竟上詩

周王興路寢漢后成甘泉共知崇壯麗迢遞與雲連抗  
殿疏龍首峻陞激天泉東西跨函谷左右屬伊瀍百常  
飛觀竦三休複道懸拱烏遙造日擗虬遠架煙雲棟疑  
飛雨風牕似望僊玉女臨芳鏡金檔映彩椽梅梁橫發  
榮藻井倒披蓮雲一作榮光開御宿佳氣屬祈年霜鴈

排空斷寒花映日鮮負展憑霄極台司列象璽登臺誼  
大厦御氣響鈞天北斗承三獻南風入五絃鷹歌鵠鵲  
右獸舞射熊前翔鶚仰不逮燕雀徒聯翩

征虜亭送新安王應令

鳳吹臨南浦神駕饒東平亭迴漳水乘旆轉洛濱笙地  
凍班輪響風嚴羽蓋輕燒田雲色暗古樹雪花明岐路  
一迴首流襟動膚情

從籍田應衡陽王教作

五章

帝京惟赤縣神居應紫微塗山萬國仰滄海百川歸東  
郊事平秩仲月祀靈威含光開早扇閭闔啟朝扉

洛城鐘漏息靈臺雲霧卷森森虎戟前藹藹璽旂轉屬  
車遊絳闕風鳥度丹巘帳殿幸金輿旌門擁玉輦

玉輦帶非烟金輿映綠川雨師清遠路風伯靜遙天分  
渠通沃野激水入公田草發

律祖作  
幕接

青壇外花飛蒼玉

前

蒼玉臨珪璧青壇躬帝籍冒橐乃三推齊衡均百辟

蘭場儼芝駕桂圃芳瑤席山禽韻管絃野獸和鐘石  
鐘石既相和江海復無波梁客簪裾盛陳王文雅多修  
途參弱駘喬木間輕蘿幸承濫吹末擘壤自為歌

從永陽王遊虎丘山

滄波壯鬱島洛邑鎮崇芒未若茲山麗岵嶷擅水鄉地  
靈侔少室塗艱象太行重巖標虎據九曲峻羊腸溜深  
澗無底風幽谷自涼寶沈餘玉氣劍隱絕星光白雲多  
異影丹桂有藁香遠看銀臺竦洞塔耀山莊瑞草生



金地天花照石梁

陪衡陽王遊耆闍寺

甘棠聽訟罷福宇試登臨  
兔苑移飛蓋王城列玳簪  
階荒猶累玉地古尚填金  
龍橋丹桂偃鷺嶺白雲深秋  
牕被旅葛夏戶響山禽清風  
吹麥隴細雨濯梅林

與錢玄智汎舟

高門事休沐朝夜恣逢迎  
還乘一作尋金谷水俱望洛陽

城舟移津女渡楫動渭橋橫  
風高鴈已落雨霽水還

清葉盡桐門淨花秋菊岸明欲奏江南曲聊習棹歌行  
遊匡山簡寂館

三梁礪本絕千仞路猶通即此神山內銀榜映仙宮鏡  
似臨峯月流如飲澗虹幽桂無斜影深松有勁風惟當  
遠人望知在白雲中

和諸葛覽從軍游獵

治兵耀武節縱獵駭畿封迅騎馳千里高且起百重騰  
麕斃馬足饑鼯落劍鋒雲根飛燒火鳥道絕禽蹤方羅

四海俊聊以習軍戎

山家閨怨

王孫春好遊雲鬢不勝愁  
離鴻暫罷曲別路已經秋  
山中桂花晚勿為俗人留

和陽

一作楊

侯送袁金紫

玄泉開隧道白日照佳城  
一朝嗟此路千載幾傷情  
秋氣悲松色淒風咽挽聲  
歸雲向谷晚還棹背山輕  
唯當三五夜攏月暫時明

傷韋侍讀

懷經傳北海蘊義盛西河高峯落迴照逝水沒驚波柳  
下悲風急山陽秋氣多宿草摧書帶寒松脆女蘿無復  
華陰市空餘蒿里歌

後湖泛舟

上苑奢行樂滄池聊薄遊汎荷分蘭櫂沈槎觸桂舟殘  
虹收度雨缺岸上新流欲知有高趣長楊送麥秋

遊龍首城

關外山川濶城隅塵霧浮白雲凝絕嶺滄波間斷洲四  
面觀長薄千里眺平丘河津無桂樹樽酒自淹留

別韋諒賦得江湖汎別舟

千里潯陽岸三翼木蘭船鷁汎青鳬後鷄鳴白鷺前  
涵花沒淺纜帶葉動深船不言朝夕水獨自限神仙

星名從軍詩

樂府作  
從軍行

將軍定朔邊刁斗出祁連高柳橫遙塞長榆接遠天  
井泉含凍竭烽火照山燠欲知客心斷危旌萬里懸

賦得韓信

淮陰總漢兵燕齊擅遠聲  
沉沙擁急水拔幟上危城  
野有千金報朝稱三傑名  
所悲雲夢澤空傷狡兔情

行經季子廟

延州高讓達傳芳  
世祀移地絕遺金  
路松悲懸劍枝野  
藤侵沸井山雨濕苔碑  
別有觀風處樂奏無人知

賦得落落窮巷士

左思詠史詩落落窮

巷士抱影守空廬

楊雲不邀名原憲本遺榮草長三徑合花發四隣明塵  
隨幽巷靜嘯逐達風清門外無車轍自可絕公卿

賦得日中市朝滿

鮑照結客少年場行日  
中市朝滿車馬若川流

雲閣綺霞生旗亭麗日明塵飛三市路益入九重城竹  
葉當壚

初學  
作杯

滿桃花帶綬輕唯見爭名利安知大隱情

賦得題新雲

西北春雲起遙臨偃蓋松根危纔吐葉氣淺未成峯風

前飛未斷日處影疑重體輕無五色詎是得從龍

賦得白雲臨酒

白雲蓋濡水流彩入澠川疎葉臨嵒竹輕鱗入鄭船菊  
泛金枝下峯斷玉山前一朝開五色飄飄映十千

詠雪應衡陽王教

九冬飄遠雪六出表豐年睢陽生玉樹雲夢起瓊田入  
牕輕落粉拂柳駛飛綿欲動淮南賦亂下桂花前

賦得雪映夜舟



黃雲迷鳥路白雪下鳬舟分沙映水浦照鶴聚寒流  
檣風吹影落纜錦雜花浮舩梁若是桂翻如月照秋

薄帷鑒明月

阮籍詠懷詩薄帷鑒

明月清風吹我衿

長河上桂月澄彩照高樓分簾疑碎壁隔幔似垂鉤  
牕外光恒滿帷中影暫流豈及西園夜長隨飛蓋遊

玄圃觀春雪

同雲遙映嶺瑞雪近浮空拂鶴伊川上飄花桂苑中  
影

麗重輪月飛隨團扇風還取長歌處帶曲舞春風

秋河曙耿耿

謝朓詩秋河曙耿耿

耿寒渚鬱蒼蒼

耿耿長河曙濫濫宿雲浮天路橫秋水星衡

一作橋

轉夜

流月下姮娥落風驚織女秋德星猶可見仙槎不復留

浦狹村煙度

梁簡文帝龍丘引浦狹

村煙度洲長歸鳥息

茅蘭夾兩岸野燎燭中川村長合夜影水狹度浮煙

收光暗鳥弋分火照漁船山人不炊桂樵華幸共然

和衡陽王秋夜

睢苑涼風舉章臺雲氣收螢光連燭動月影帶河流  
綠綺朱絃汎黃花素蟻浮高軒揚麗藻即是賦新秋

賦得山卦名

蓬萊趣羽客巖穴轉蒙籠雲歸仙井暗霧解石橋通影  
帶臨峯鶴形隨襟雨風尋師不失路咸欲馭飛鴻

初春賦得池應教

遙天收密雨高閣映奔曦雪盡青山路冰銷綠水池春光落雲葉花影發晴枝琴樽奉終宴風月豈云疲

賦得垂柳映斜谿

千仞清溪險三陽弱柳垂葉細臨湍合根空帶石危風翻夾浦絮雨濯倚流枝不分梅花落還同橫笛一作笛裏吹

賦得岸花臨水發

何遜贈諸遊舊詩岸花臨水發江燕遠檣飛

奇樹滿春洲落蘂映江浮影間蓮花石光涵濯錦流漾

色隨桃水飄香入桂舟別有仙潭菊含芳獨向秋

賦得風生翠竹裏應教

金風起燕觀翠竹夾梁池翻花疑鳳下颺水似龍移帶  
露依深葉飄寒入勁枝聊因萬籟響詎待伶倫吹

賦得山中翠竹

修竹映巖垂來風異夾池複澗藏高節重林隱勁枝雲  
生龍未上花落鳳將移莫言棲嶰谷伶倫不復吹

賦得梅林輕雨應教

梅樹耿長虹芳林散輕雨蜀郡隨仙去陽臺帶雲聚飄  
花更濯枝潤石還侵柱詎得零陵燕隨風時共舞

賦新題得蘭生野徑

披襟出蘭畹命酌動幽心鋤罷還開路歌喧自動琴華  
燈共影落芳杜襟花深莫言閒逕裏遂不斷黃金

賦得威鳳棲梧

初學云賦得  
棲梧桐威鳳

丹山下威鳳來集帝梧中欲舞春花落將飛秋葉空  
影照龍門水聲入洞庭風別有將雛曲翻更合絲桐

賦得魚躍水花生

漾色桃花水相望  
濯錦流躍浦疑珠  
出依池似鏡浮淩  
波銜落葉觸餌避  
沉鈎方遊蓮葉外  
詎入武王舟

賦新題得寒樹晚蟬疎

寒蟬噪楊柳朔吹  
犯梧桐葉迴飛難  
住枝殘影共空聲  
疎飲露後唱絕斷  
絃中還因搖落處  
寂寞盡秋風

賦得秋蟬咽柳應衡陽王教

秋鴈寫

一作氣爽

送天園柳集驚蟬競噪長枝裏爭飛落

木前風高知響急樹近覺聲連長楊流唱盡詎識蔡邕絃

秋日別庾正員

英華作  
徐陵

征途愁轉旆連騎慘惻停鑣朔氣凌疎木江風送上潮青  
雀離帆遠朱鷺別路遙唯有當秋月夜夜上河橋

賦得佳期竟不歸

七言

庾肩吾有所思曰佳期  
竟不歸春物坐芳菲

良人萬里向河源娉婦三愁思柳園路遠寄詩空織



錦宵長夢返欲驚魂飛蛾屢繞帷前燭哀草還侵階

上玉銜啼拂鏡不成粧促柱繁絃還亂曲時分

玉臺後集作特

怨

年移竟不歸偏憎寒急夜縫衣流螢映月明空帳

疎葉從風入斷機自對孤鸞向影絕終無一鴈帶書回

賦得階前嫩竹

翠竹梢雲自結叢輕花嫩筍欲凌空砌曲橫枝屢解籜  
階前疎葉強來風欲知抱節成龍處當於山路葛陂  
中



漢魏六朝百三家集卷一百六

欽定四庫全書

漢魏六朝百三家集卷一百七

魏高允集題詞

游廣平論高伯恭寬中似卓公洪量似文饒風  
節似汲長孺予心躋之國史刊石司徒獄興劒  
芒在前龍蛇莫避惟有悟主以誠勿欺可免伯  
恭引罪在身殆得樽酒納約之義加以儲宮請  
命嚴君改顏應對獲全非無故也崔公注詩論

語尚書易閔湛鄒櫟稱其精微過于馬鄭王賈  
伯恭有左氏公羊釋毛詩拾遺論雜解議何鄭  
膏肓事百餘篇今俱不傳崔族銷滅言論宜廢  
高令公寵周五帝年享百齡而談經之書不與  
墓石同永子孫典守聿修安在徵士頌感逝懷  
人三十有四紆縞弦韋紛集於懷答宗著作詩  
表丹歲寒能言其志觀彼生平求友分深愛敬  
終始不獨於君臣有情也集中文字如上書東

宮諫起宮室矯頽俗五異及樂平王著論皆耿  
介有聲餘亦整而不污漢初張丞相者壽吉祥  
事畧彷彿惜年代久遠筆札絕少有愧伯恭試  
列之北朝文苑雖遜步崔公而開疆邢魏固當  
日之先正也

目錄

賦

鹿苑賦

表

進天文要畧表

邵國建學表

疏

矯頽俗疏

諫起宮室疏

上書

諫東宮上書

書

答宗欽書

頌

北伐頌

徵士頌

有序

論

著論

訓



酒訓 有序

祭文

祭岱宗文

詩

羅敷行

王子喬

答宗欽十三章

詠貞婦彭城劉氏八章



漢魏六朝百三家集卷一百七目錄

欽定四庫全書

漢魏六朝百三家集卷一百七

明 張溥 輯

魏高允集

賦

鹿苑賦

啓重基於朔土系軒轅之洪裔武承天以作主熙大明  
以御世灑靈液以滂沱扇仁風以遐被踵姬文而築苑

包山澤以開制植羣物以充務蠲四民之常稅暨我皇  
之繼統誕天縱之明叡追鹿埜之在昔興三轉之高義  
振幽宗於已永曠千載而可寄於是命匠選工刊茲西  
嶺注誠端思仰模神影庶直容之髣髴耀金暉之煥炳  
即靈嵯以構宇竦百尋而直正絙飛梁於浮柱列荷華  
於綺井圖之以萬形綴之以清永若祗洹之瞪對孰道  
場之塗迥嗟神功之所建超終古而秀出實靈祇之協  
贊故存貞而保吉鑿仙窟以居禪闢重階以通術澄清

氣於高軒佇流芳於王室茂花樹以芬敷涌醴泉之洋溢祈龍宮以降雨侔膏液於星畢若乃研道之倫行業貞簡慕德懷風杖策來踐守應貞之重禁味三歲之淵典或步林以經行或寂坐而端宴會衆善以並臻排五難而俱遣道欲隱而彌彰名欲晦而逾顯伊皇輿之所幸每垂心於華囿樂在茲之間敞作離宮以營築固爽塏以崇居枕平原之高陸恬仁智之所懷眷山水以肆目玩藻林以遊思絕鷹犬之馳逐眷耆年以廣德縱生

生以延福慧愛內隆金聲外發功濟普天善不自伐尚  
誥賢以問道詢芻蕘以補闕盡敬恭於靈寺遵晦望而  
致謁奉請戒以畢日兼六時而宵月何精誠之至到良  
九劫之可越資聖王之遠圖豈循常以明教希縉雲之  
上升羨頂生之高蹈思離塵以邁俗涉玄門之幽奧禪  
儲宮以正位受太上之尊號既存無而御有亦執靜以  
鎮躁觀天規於今日尋先哲之遺誥悟二乾之重陰審  
明離之並照下寧濟於兆民上尅光於七廟一萬國以

從風總羣生而為導正南面以無為永措心於冲妙夫  
道化之難期幸微躬之遭遇逢扶桑之初開邁長夜之  
始曙顧衰年以懷傷惟負忝以危懼敢布心以陳誠效  
鄙言以自著

表

進天文要畧表

往年被勅令臣集天文災異使事類相從約而可觀臣  
聞箕子陳謨而洪範作宣尼述史而春秋著皆所以章



名列辟景測皇天者也故先其善惡而驗以災異隨其失得而效以禍福天人誠遠而報速如響甚可懼也自古帝王莫不尊崇其道而稽其法數以自修飭厥後史官並載其事以為鑒誡漢成時光祿大夫劉向見漢祚將危權歸外戚屢陳妖眚而不見納遂因洪範春秋災異報應者而為其傳覲以感悟人主而終不聽察卒以危亡豈不哀哉伏惟陛下神武則天獻自遠欽若稽古率由舊章前言往行靡不究鑒前皇所不逮也臣學不

洽聞識見寡薄懼無以裨廣聖聽仰酬明旨今謹依洪  
範傳天文志撮其事要畧其文辭凡為八篇

邵國建學表

臣聞經綸大業必以教養為先咸秩九疇亦由文德成  
務故辟雍光於周詩泮宮顯於魯頌自永嘉以來舊章  
殄滅經閭蕪沒雅頌之聲京邑杜絕釋奠之禮道業陵  
夷百五十載仰惟先朝每欲憲章昔典經闡素風方事  
尚殷弗遑克復陛下欽明文思纂成洪烈萬國咸寧百

揆時叙申祖宗之遺志興周禮之絕業爰發德音惟新  
文教措紳黎獻莫不幸甚臣承旨勅並集二省披覽史  
籍備究典紀靡不敦儒以勸其業貴學以篤其道伏思  
明詔玄同古義宜如聖旨崇建學校以厲風俗使先王  
之道光演於明時郁郁之音流聞於四海請制大郡立  
博士二人助教四人學生一百人次郡立博士二人助  
教二人學生六十人下郡立博士一人助教一人學生  
四十人其博士取博觀經典世履忠清堪為人師者年

限四十以上助教亦與博士同年限三十以上若道業  
夙成才任教授不拘年齒學生取郡中清望人行修謹  
堪循名教者先盡高門次及中第

疏

矯頽俗疏

前朝之世屢發明詔禁諸婚娶不得作樂及葬送之日  
歌謠鼓舞殺牲燒葬一切禁斷雖條旨久頒而俗不革  
變將由居上者未能悛改為下者習以成俗教化陵遲

一至於斯昔周文以百里之地修德布政先于寡妻及於兄弟以至家邦三分天下而有其二明為政者先自近始詩云爾之教矣民胥效矣人君舉動不可不慎禮云嫁女之家三日不息燭娶婦之家三日不舉樂今諸王納室皆樂部給伎以為嬉戲而獨禁細民不得作樂此一異也古之婚者皆揀擇德義之門妙選貞閑之女先之以媒娉繼之以禮物集寮友以重其別親御輪以崇其敬婚姻之際如此之難今諸王十五便賜妻別居

然所配者或長少差舛或罪入掖庭而作合宗王妃嬪  
藩懿失禮之甚無復此過往年及今頻有檢劾誠是諸  
王過酒致責跡其元起亦由色衰相棄致此紛紜今皇  
子娶妻多出宮掖令天下小民必依禮限此二異也萬  
物之生靡不有死古先哲王作為禮制所以養生送死  
折諸人情若毀生以奉死則聖人所禁也然葬者藏也  
死者不可再見故深藏之昔堯葬穀林農不易畝舜葬  
蒼梧市不改肆秦始皇作為地市下錮三泉金玉寶貨

不可計數死不旋踵尸焚墓掘由此推之堯舜之儉始  
皇之奢是非可見今國家營葬費捐巨億一旦焚之以  
為灰燼苟靡費有益於亡者古之人奚獨不然今上為  
之不輟而禁下民之必止此三異也古者祭必立尸序  
其昭穆使亡者有憑致食饗之禮今已葬之鬼人直求  
貌類者事之如父母燕好如夫妻損敗風化瀆亂情禮  
莫此之甚上未禁之下不改絕此四異也夫饗者所以  
定禮儀訓萬國故聖王重之至乃爵盈而不飲有乾而

不食樂非雅聲則不奏物非正色則不列今之大會內  
外相混酒醉喧譟罔有儀式又俳優鄙藝污辱視聽朝  
廷積習以為美而責風俗之清純此五異也今陛下當  
百王之末踵晉亂之弊而不矯然釐改以厲頽俗臣恐  
天下蒼生永不聞見禮教矣

諫起宮室疏

臣聞太祖道武皇帝既定天下始建都邑其所營立非  
因農隙不有所興今建國已久宮室已備永安前殿足



以朝會萬國西堂溫室足以安御聖躬紫樓臨望可以  
觀望遠近若廣修壯麗為異觀者宜漸致之不可倉卒  
計斫材運土及諸雜役須二萬人丁夫充作老小供餉  
合四萬人半年可訖古人有言一夫不耕或受其饑一  
婦不織或受其寒况數萬之衆其所損廢亦以多矣推  
之於古驗之於今必然之效也誠聖主所宜思量

上書

諫東宮上書

天地無私故能覆載王者無私故能包養昔之明王以  
至公宰物故藏金於山藏珠於淵示天下以無私訓天  
下以至儉故美聲盈溢千載不衰今殿下國之儲貳四  
海屬心言行舉動萬方所則而營立私田畜養雞犬乃  
至販酤市鄠與民爭利議聲流布不可追掩夫天下者  
殿下之天下富有四海何求而不獲何欲而弗從而與  
販夫販婦競此尺寸昔號之將亡神乃下降賜之土田  
卒喪其國漢之靈帝不修人君之重好與宮人列肆販

賣私立府歲以營小利卒有顛覆傾亂之禍前鑒若此甚可畏懼夫為人君者必審於擇人故稱知人則哲惟帝難之商書云無邇小人孔父有云小人近之則不遜遠之則怨矣武王愛周召齊畢所以王天下殷紂愛飛廉惡來所以喪其國歷觀古今存亡之際莫不由之今東宮誠曰乏人雋又不少頃來侍御左右者恐非在朝之選故願陛下少察愚言斥出佞邪親近忠良所在田園分給貧下畜產販賣以時收散如此則休聲日至謗

議可除

書

答宗欽書

頃因行李承足下高問延佇之勞為日久矣王途一啓  
得叙其懷欣於相遇情無有已足下兼愛為心每能存  
顧養之以風味惠之以德音執翫反覆銘於心抱吾少  
乏尋常之操長無老成之致憑賴賢聖以自充勉而來  
喻褒飾有過其分既承雅贈即應有答但唱高則難和

理深則難訓所以留連日月以至於今今往詩一篇誠不足標明來旨且表以心幸恕其鄙滯領其至意

頌

北伐頌

皇矣上天降鑒惟德眷命有魏照臨萬國禮化丕融王猷允塞靜亂以威穆民以則北寇舊隸稟政在蕃往因時艱逃命北轅世襲凶軌背忠食言招亡聚盜醜類實繁敢率其衆圖縱猖蹶乃詔訓師興戈北伐躍馬裹糧

星馳電發撲討虔劉肆陳斧鉞斧鉞暫陳馘翦厥旅積  
骸填谷流血成浦元兇孤奔假息窮豎爪牙既摧腹心  
亦阻周之忠厚存及行葦翼翼聖明有蕝斯美澤被京  
觀垂此仁旨封尸埜獲惠加生死生生死蒙惠人欣覆育  
理貫幽冥澤漸殊域物歸其誠神獻其福遐邇斯懷無  
思不服古稱善兵厯時始捷今也用師辰不及浹六軍  
克合萬邦以協義著春秋功銘玉牒載興頌聲播之來  
葉

徵士頌 有序

昔歲同徵零落將盡感逝懷人作徵士頌蓋止於  
應命者其有命而不至則闕焉羣賢之行舉其梗  
槩矣今著之於左

夫百王之御士也莫不資仗羣才以隆治道故周文以  
多士克寧漢武以得賢為盛此載籍之所記由來之常  
義魏自神麤以後宇內平定誅赫連積世之僭掃窮髮  
不羈之寇南摧江楚西盪涼域殊方之外慕義而至於

是偃兵息甲修立文學登延儒造酬諮政事夢想賢哲  
思遇其人訪諸有司以求名士咸稱范陽盧玄等四十  
二人皆冠冕之胄著問州邦有羽儀之用親發明詔以  
徵玄等乃曠官以待之懸爵以縻之其就命三十五人  
自餘依例州郡所遣者不可稱記爾乃髦士盈朝而濟  
濟之美興焉昔與之俱蒙斯舉或從容廊廟或游集私  
門上談公務下盡忻娛以為千載一時始於此矣日月  
推移吉凶代謝同徵之人凋殲殆盡在者數子然復分



張往昔之忻變為悲感張仲業東臨營州遲其還返一  
叙于懷齊矜於垂歿之年寫情於桑榆之末其人不幸  
復至殞歿在朝者皆後進之士居里者非疇昔之人進  
涉無寄心之所出入無解顏之地顧省形骸所以永歎  
而不已夫頌者美盛德之形容亦可以長言寄意不為  
文二十年矣然事切於心豈可默乎遂為之頌詞曰

紫氣干霄羣雄亂夏王龔徂征戎車屢駕掃盪遊氛克  
剪妖霸四海從風八垠漸化政教無外既寧且一偃武

橐兵唯文是恤帝乃旁求搜賢舉逸巖隱投竿異人並  
出疊疊盧生量遠思純鑽道據德遊藝依仁旌弓既招  
釋褐投巾攝齊升堂嘉謀日陳自東徂南躍馬馳輪偕  
憑影附劉以和親茂祖堯單夙罹不造克已勉躬聿隆  
家道敦心六經遊思文藻終辭寵命以之自保燕常篤  
信百行靡遺位不苟進任理栖遲居冲守約好讓善推  
思賢樂古如渴如饑子翼致遠道賜悟深相期以義相  
和若琴並參幕府俱發德音優游卒歲聊以寄心祖根

運會克光厥猷仰緣朝恩俯因德友功雖後建祿實先  
受班同舊臣位並羣后士衡孤立內省靡疚言不崇華  
交不遺舊以產則貧論道則富所謂伊人實邦之秀卓  
矣友規秉茲淑量存彼大方擯此細讓神與理冥形隨  
流浪雖屈王侯莫廢其尚趙實名區世多奇士山嶽所  
鍾挺生三李矯矯清風抑抑容止初九而潛望雲而起  
詵尹西都靈惟作傳垂訓皇宮載理雲霧熙雖中天迹  
階郎署餘塵可挹終亦顯著仲業淵長雅性清到憲章

古式綢繆典誥時值險難常一其操納衆以仁訓下以  
孝化被龍川民歸其教邁則英賢侃亦稱選聞達邦家  
名行素顯志在兼濟豈伊獨善繩匠弗顧功不獲展劉  
許履忠竭力致躬出能騁說入獻其功輜軒一舉撓燕  
下崇名彰魏世亨業亦隆道茂夙成弱冠播名與朋以  
信行物以誠怡怡昆弟穆穆家庭發響九臯翰飛紫冥  
頻在省闈亦司於京刑以之中政以之平猗歟彥鑒思  
參文雅率性任真器成非假靡矜于高莫恥于下乃謝

朱門歸迹林埜宗敬延譽號為四雋華藻雲飛金聲風  
振中遇沈疴賦詩以訊忠顯於辭理出於韻高滄朗達  
默識淵通領新悟異發自心胸質侔和璧文炳雕龍耀  
姿天邑衣錦舊邦士元先覺介焉不惑振袂來庭始賓  
王國蹈方履正好是繩墨淑人君子其儀不忒孔稱游  
夏漢美淵雲越哉伯度出類踰羣司言祕閣作牧河汾  
移風易俗理亂解紛融彼滯義渙此潛文儒道以析九  
流以分崔宋二賢誕性英偉擢穎閭閻聞名象魏謇謇

儀形邈邈風氣達而不矜素而能賁潘符標尚杜熙好  
和清不潔流渾不同波絕希龍津止分常科幽而逾顯  
損而逾多張綱柔謙叔術正直道雅洽聞弼為兼識拔  
萃衡門俱漸鴻翼發憤忘餐豈要丰食率禮從仁罔愆  
于式失不繫心得不形色郎苗始舉用均已試智足周  
身言足為治性協於時情敏於事與今而同與古曷異  
物以利移人以酒昏侯生潔已唯義是敦日縱醇醪逾  
敬逾溫其在私室如涉公門季才之性柔而執競屈彼

南秦申威致命誘之以權矯之以正帝道用光邊土納  
慶羣賢遭世顯名有代志竭其忠才盡其槩體襲朱裳  
腰紐雙佩榮曜當時風高千載君臣相遇理實難偕昔  
因朝命與之克諧披衿散想解帶舒懷此昕如昨存亡  
奄乖靜言思之中心九摧揮毫頌德潛爾增哀

論

著論

劉潔常謂私人曰若卓駕不還吾當立樂平  
王及潔誅王以憂死日者董道秀亦誅允著

著論

昔明元未起白臺其高二十餘丈樂平王嘗夢登其上  
四望無所見王以問日者董道秀筮之曰大吉王默而  
有喜色後事發王遂憂死而道秀棄市道秀若推六爻  
以對王曰易稱亢龍有悔窮高曰亢高而無民不為善  
也夫如是則上寧於王下保於已福祿方至豈有禍哉  
今舍於本而從其末咎釁之至不亦宜乎

訓



酒訓

臣被勅論集往世酒之敗德以為酒訓臣以朽邁遭人倫所棄而殊恩過隆錄臣於將歿之年勗臣於已墜之地奉命驚惶喜懼兼甚不知何事可以上答伏惟陛下以獻哲之姿撫臨萬國太皇太后以聖德之廣濟育羣生普天之下罔不稱賴然日昃憂勤虛求不已思監往事以為警戒此之至誠悟通百靈而況於百官士民不勝踴躍謹竭其所見作酒訓一篇但臣愚短加以荒廢

辭義鄙拙不足觀採伏願聖慈體臣慙慙之情恕臣狂  
瞽之意其詞曰

自古聖王其為饗也玄酒在室而澄酒在下所以崇本  
重原降於滋味雖汎爵旅行不及於亂故能禮章而敬  
不虧事畢而儀不忒非由斯致是失其道將何以範時  
軌物垂之於世歷觀往代成敗之效吉凶由人不在數  
也商辛耽酒殷道以之亡公旦陳誥周德以之昌子反  
昏酣而致斃穆生不飲而身光或長世而為戒或百代

而流芳酒之為狀變感情性雖曰哲人孰能自競在官者殆於政也為下者慢於令也聰達之士荒於聽也柔順之倫興於諍也久而不悛致於病也豈止於病乃損其命諺亦有云其益如毫其損如刀言所益者止於一味之益不亦寡乎言所損者天年亂志天亂之損不亦夥乎無以酒荒而陷其身無以酒狂而喪其倫迷邦失道流浪漂津不師不遵反將何因詩不言乎如切如磋如琢如磨朋友之義也作官以箴之申謨以禁之君臣

之道也其言也善則三覆而佩之言之不善則哀矜而貸之此實先王納規之意往者有晉士多失度肆散誕以為不羈縱長酣以為高達調酒之頌以相眩曜稱堯舜有千鐘百觚之飲著非法之言引大聖為譬以則天之明豈其然乎且子思有云夫子之飲不能一升以此推之千鐘百觚皆為妄也今大魏應圖重明御世化之所暨無思不服仁風敦洽於四海太皇太后以至德之隆誨而不倦憂勤備於皇情誥訓行於無外故能道協

兩儀功同覆載仁恩下逮罔有不遵普天率土靡不蒙  
賴在朝之士有志之人宜克已從善履正存貞節酒以  
為度順德以為經悟昏飲之美疾審敬慎之彌榮遵孝  
道以致養顯父母而揚名蹈閔曾之前軌遺仁風於後  
生仰以答所授俯以保其成可不勉歟可不勉歟

祭文

祭岱宗文

維皇興二年敢昭告於岱宗之靈正趾坤元作鎮東夏

齊二儀以永固崇至德以配天故能資元氣以造物協  
陰陽而變化若其崑嶺峭峙川谷幽深神怪譎詭倏忽  
百靈吐納風雲育成萬品攝生之所歸焉禎祚之所萃  
焉是以歷代帝王之崇封禪銘功以告其成七十二君  
咸在茲焉自非功侔造化應同自然孰能若此者哉自  
我國家肅恭禋祀懷柔百神邦域之內罔不咸秩往以  
天路未夷雖望祭有在今大化既同奄有淮岱謹薦於  
嶽宗之靈尚饗

詩

羅敷

邑中有好女姓秦字羅敷巧笑美回盼鬢髮復凝膚脚  
著花文履耳穿明月珠頭作墮馬髻倒枕象牙梳姊姊  
善趨步襜褕曳長裾王侯為之顧駟馬自踟躕

王子喬

王少卿王少卿超升飛龍翔天庭遺儀景雲漢酬光驚  
電逝忽若浮騎日月從列星跨騰八廓踰杳冥尋元氣

出天門窮覽有無究道根

答宗欽十三首

湯湯流漢藹藹南都載稱多士載耀靈珠邈矣高族世  
記丹圖啓基郢城振彩涼區

吾生朗到誕發英風紹熙前緒奕世克隆方圓備體淑  
德斯融望傾羣雋響駭華戎

響駭伊何金聲允著匡贊西藩拯厥時務肅志琴書恬  
心初素潛思淵渟秀藻雲布



上天降命祚鍾有代協燿紫宸興乾作配仁邁春陽功  
隆覆載招延隱叟永貽大賚

伊余櫟散才至庸微遭緣幸會忝與樞機竊名華省廁  
足丹墀愧無螢燭少益天暉

明外非諭信漸難魚體卑處下豈曰能謙進不弘道退  
失淵潛既慚朱闕亦愧閭閻

史班稱達楊蔡致深負荷典策載蹈於心四轍同軌覆  
車相尋敬承嘉誨永佩明箴

遠思古賢內尋諸已仰謝丘明長揖南史遐武雖存高  
蹤難擬夙興夕惕豈獲恬止

世之圯矣靈運未通風馬殊隔區域異封有懷西望路  
險莫從王澤遠灑九服來同

在昔平吳二陸稱寶今也尅涼吾生獨矯道映儒林義  
為羣表我思與之均於紵縞

仁乏田蘇量非叔度韓生屬降林宗仍顧千載曠遊遘  
茲一遇藻詠風流鄙心已悟

年時迅邁物我俱逝任之斯通擁之則滯結駟貽塵屢  
空亦敝兩間可守安有回賜

詩以言志志以表丹慨哉刎頸義以中殘雖曰不敏請  
事金蘭爾其勵之無忘歲寒

詠貞婦彭城劉氏八章

兩儀正位人倫肇甄爰制夫婦統業承先雖曰異族氣  
猶自然生則同室終契黃泉

封生令達卓為時彥內協黃中外兼三變誰能作配克

應其選實有華宗挺生淑媛

京野勢殊山川乖互乃奉王命載馳在路公務既弘私義獲著因媒致幣邁止一幕

率我初冠眷彼弱笄形由禮比情以趣諧忻願難常影跡易乖悠悠言邁戚戚長懷

時值險屯橫離塵網伏鎖就刑身分土壤千里雖遐應如影響良嬪洞感發於夢想


仰惟親命俯尋嘉好誰謂會淺義深情到畢志守窮誓

不二醮何以驗之殞身是效

人之處世孰不厚生心存於義所重則輕結憤鍾心甘就幽冥永捐堂宇長辭母兄

茫茫中野翳翳孤丘葛藟冥蒙荆棘四周理苟不昧神必俱游異哉貞婦曠世靡儔

渤海封卓妻劉氏彭城人成婚一夕卓官於京師以事見法劉氏在家忽形夢想知卓已死哀泣不止經旬凶問果至遂憤歎而終時人比之秦嘉妻云高允念其義高而名不著乃為之詩



漢魏六朝百三家集卷一百七